

LA
CHASSE-PESTE,

OV

LES REMEDES SINGULIERS
ET FAMILIERS,

DONT CHASCUN SE POURRA
*servir pour se preserver en temps
pestiferé,*

ET SE GVARIR SOY-MESME
S'IL EST ATTEINT

DE LA PESTE.

Par M. LOVYS DV GARDIN,
*Docteur en Medecine &
Professeur ordinaire.*



A DOVAY,

Chez PIERRE AVROY, au
Pelican d'or, 1617.

Au Peuple de Douay.



MESSIEURS,
 la Peste est un mal dange-
 reux, & qui ne souffre quel-
 que delay, on n'a pas tou-
 siours le loisir ni la commodité, se ser-
 uir en son temps, de Medecins. Mais
 toutesfois, vous vous pouués seruir de
 moy, nuict & iour, trespas & tard,
 par cestuy-cy; a qui j'ay bailté charge
 bien exprés, vous faire un chascun, a
 l'instant grand Docteur quand a ce
 point, en vous enseignant par sa le-
 cture, tant que pour souffrir, tout ce
 que debués faire a la haste, pour vous
 garantir & deperre des calamités, que
 traine vne maladie si furieuse, & d'un
 chemin vous tesmoigner, que ie seray
 a tout iamais, comme ie suis,

De
 Douay,
 le 12.
 d' Aoust,
 1617.

MESSIEURS,

Tout à vostre seruice,
 LOVYS DV GARDIN.

CHAPITRE I.

*Pour la Preservation de la
Peste.*

1.  STANT libre & ayât de quoy: Fuiés tost; Fuiés loing; Retournés tard.

2. Sil faut tenir pied à bou-
le: ne hantés ni les person-
nes, ni les lieux subçonnés
d'infection; mais prenés sou-
uent l'air des champs libre &
serain.

3. Que la maison soit souuent
bien houffée, ramonnée, epou-
drée, & nettoyée, de tous co-
stés,

ftés. pareillement la cour & les rues.

4. N'epargnés point le bois: faiçtes tousiours bon feu.

5. Ayés soing de mettre au my-lieu des places, pour les aërier & parfumer, quelque rechauffoir, ou quelque aultre fouyer plein de braizes ou de charbons allumés, dans lequel vous ietterés, *du sel, de l'encens, de la resine, du colophon, du gummy animé, des grains de genoyure, & choses semblables.* le tout par ensemble, ou l'un ou l'autre. ou allumés *des basches, poyaces, ou des fallots, & des tonneaux de terke.*

6. Que les habits, tapis, linges,

ges, lits, & autres meubles, soient souvent aérés, remués, deployés, eous, battus & e-couuettés.

7. Soir & matin, laués vous les pieds, les mains, les aisselles, les aines, les temples, les narines, & la bouche, avec quelque peu de vinaigre de vin, ou rosat, ou sussat, dedens lequel vous aurés mis tremper quelques cloux de gyroufle, ou du santal citrin. mellés y aussi s'il vous plait, vn peu d'eau rose, vn petit peu de theriacque ou de metridat; iij. ou v. grains de camfre.

Ou pour le moins laués vous avec de l'eau, dedans laquelle vous aurés mis tremper quel-

que quantité de rue.

8. Soyés tousiours vniment ioyeux, sans tant penser & s'e-pouuanter de ceste maladie, sans cholere, & sans autre perturbation, en bon repos de bonne conscience.

9. Au matin, deuant sortir, desiunés moy vne bonne grasse tartine de pain & beurre, ou vne tranche de chair sallée desallée, bien cuiete: ou autant de prinsel de mouton, ou vne carbonnade vinaigrée, avec du bon pain.

10. Beuues dessus, vn bon traict de bonne bierre, ou vn tatin de bon vin.

11. Au disner, au soupper, v-sés de la mesme maniere de viure,

viure, que vous vſiés ordinairement en autre ſaiſon; pourueu que vous vous portiés bien lors, viuant ainſy. mais n'excedés iamais: & meſlés vn peu plus qu'à l'ordinaire, en voz viandes, du verjus, ou du vinaigre, ou du ius d'aurenges, ou du ius de citron, ou du ius de grenade, & du ſaffran.

12. Allant par les ruës, tenés en la bouche, vn clou de gyronfle trempé & ramoly en vinaigre ſafdiel: ou vn peu de racine de lionne, ou d'angelica, ou de zedoaria, ou quelque piécette de noix muſcade, pareillement trempés. ou quelque eſcorce de citron.

13. Vous porterés dedans vos

gans yn moufchoir , mouillé du mefme vinaigre ; ou vne efponge pareillement mouillée , laquelle vous pourrés mettre dans vne boittelette trouée, pour fouuent la flairer . ou quelque citron lardé de gyroufles . ou quelque pomme de fenteur camfrée.

14. On trouue bon , tremper la chemife nette , dans du vinaigre de vin , & en eau rofe ; la laiffer ainfi feiccher , fans tordre ; & après , l'ayant bien frotté & chauffé , la veftir.

15. Vn petit couffiné pendu au col , lequel foit emply de pouldres de gyroufles , de faffran , de pouldre de violettes , de racine de lionne , de pouldre de racine d'angelicque, &

de

de camfre, est en recomman-
dation.

16. Quelques-vns emplissent
lesdicts coussinés d'arsenic; pour
contrequarrer le mauuais air
qui assailleroit le cœur.

17. Autres approuuent farcire
les mesmes coussinés, d'une
once de terebintine de Venise; de
mye once de vis argent; & quelque
peu de pouldre de cloux de gyroufles,
ou pouldres de violette, bien broyés
par ensemble.

18. Vous pourrés prendre en
vous leuant, enuyron la gros-
seur d'une febue de Rome, de
theriacque, ou de fin metridat; ou de
theriaca diateffaron, ou de conserue
de lionne, ou vne pilule ou deux

Ruffi, ou vn peu de pouldre de corne de cerf, ou vn peu de fin bolus, ou de terre seellée, ou vn peu de pierre bezaar. beuuant dessus vne culiere, ou deux d'eau ou de ius surelle, d'eau ou de ius de melisse, ou de soulcyes; d'eau de chardon bemiēt, d'eau de scabieuse, ou d'eau-rose, y meslant du syrop de citron, du syrop de melisse, du syrop de buglosse, selon vostre commodité & vouté. l'vne ou l'autre, ou plusieurs telles choses permellées ou mellés y quelques iij. à v. gouttes d'huylles de vitriole, pour chascune fois. Ou bien prenés tous les matins, vne fige, vne noix gaugue, vn
 peu

peu de rue, quelques grains de sel,
& quelque peu de vinaigre, ou vn
œuf mollet avec du bon saffran.


19. Estes vous plein de sang?
faictes vous saigner. estes vous
plein de mauuaises humeurs?
faictes vous purger. aués vous
vn corps plein de defluxions?
faictes vous faire des cauterés, &
entretenez ceux que vous aués au pa-
rauant. le tout avec l'aduis
d'vn Docteur bien experi-
menté.

20. Au demeurant, si vous
vous portés bien, ne vous
faictes point malade par mede-
cines. viuez à vostre ordinaire,
sans toutesfois excéder en rien
les limites de la mediocrité

12 *Guarison de la Peste.*
mere & nourrice de la bonne
santé.

CHAPITRE II.

*Pour la guarison de la
Peste.*

1.  Ous sentés vous a-
battu tout à coup,
etonné, accablé ?
sentés vous mal de cœur, vo-
missemens, mal de teste, en-
dormissement, battement de
cœur, & semblables indices,
qui s'amonstrent coustumiere-
ment lors qu'on est frappé de
la peste ? Tout à l'instant, soit
soir, soit matin; soit après soit
deuant

Guarison de la Peste. 13

deuant manger, PRENES vn
sizin de fine theriacque, ou de
metridat, ou de fin bolus, ou de
diascordium. Beués dessus, vn
bon traict de ius de surelle, ou
d'eau de chardon benict, de scabieu-
se, de melisse, ou de roses; avec
vne once ou deux de syrop de citron.
ou viij. à ix. gouttes d'huylle de
vitriol permeslé avec vn grand
traict.

2. Promenés, ou pour le
moins soiés sans dormir; &
ne dormés point que vij. ou
viiiij. heures après. & encores
lors, le somme ne soit point
fort profond.

3. Vn quart d'heure, après
auoir prins l'une des choses
auant

auant-dictes ; beuues vn grand traict composé de *iiij.* ou *v.* culieres d'huile d'olue , d'autant de bon vinaigre ; & d'eau tiede tant qu'en pourrés boire ; pour vomir.

4. Ayant bien vomy , prenés encores le poids d'vn escu de fine theriacque , ou de metridat , ou de fin bolus ; ou de terre seellée , ou de pouldre de corne de cerf ; ou *xv.* à *xvj.* grains de pierre bezaar oriental , si vous aués bonne bourse. Beuues dessus vn traict d'eau de chardon benict , ou de surelle , ou de melisse , ou de soulcyes , avec du vin de rhein , & *vj.* à *vij.* gouttes d'huile de vitriol . ou prenés vn bon chauldeau de verjus , avec du saffran . couures vous ;
 JMSHS faictes

faiçtes vous suer.

5. Le mal continuant, faiçtes encores le mesme qu'est dict en l'article precedent, de douze heures en douze heures; tant qu'il soit vaincu.

6. Les accidens narrés en l'article premier estans rassis aucunement; & neantmoins si la FIEBVRE continue. faiçtes vous saingner, si vous auez beaucoup de sang. si vous estes plein d'humeurs, faiçtes vous purger; avec l'aduis d'un medecin fidele & bien experimenté.

7. Les TASCHEs se decouurant; faiçtes vous suer encores vne fois, suiuant l'article 4.

16 *Guarison de la Peste.*

cy dessus. tenés vous au reste
tousiours chauldement.

8. Si la BOSCHE vient à
s'abouter aux aisselles, aux
aisnes, ou enuers les aureil-
les; mettés dessus incontinent,
vn Cataplasme faiçt, avec vn
ou deux oignons cuiçts sous les
cendres, vn ou deux oingnons de

* Ou à
faut de
guymaul
mes, vne
once de
semence
de lin.

lix, & quelques racines de * guy-
maulues cuiçtes en bonne bierre, vne
poingnée de ruë, vne douzaine
de figues, trois ou iiij. onces de
sauon mol; le tout bien haf-
ché, pilé, & broyé à part,
puis mellés ensemble, avec
vn sizain de saffran si vous voul-
lés, & demye once de fine théo-
riacque, ou de metridat: & du
beurre

beurre à discretion, ou du basilicon.

Que si parauenture vous n'a-
ués d'autre chose à la main.
faictes vn cataplasme avec
des oingnons cuiets sous les cendres,
du pain de minage bouilly en bonne
bierre, du saouon, & des moy-
eux d'œufs, des quatre autant
de l'vn que de l'autre, bien
broyés à part, puis bien pel-
le-melés par ensemble. la ruë
ioincte, seroit extremement
conuenable.

9. Monsieur M. Hermès le
Clercq à Tournay, il'vn des
plus anciens & plus celebres
Docteurs Medecins du pais
bas, & Monsieur M. Iean
Syluius, lequel à icy, iadis

enseigné la mesme leçon que ie fais, prisent fort, & avec bonne raison, le cataplasme suiuant, si la bosche ne s'aboute à fâchion. Prenés trois onces d'oignons, & trois onces d'aulx cuiets sous les cendres, broyés les avec vne once de leuain sure, en y meslant vne once de basilicon & vne once de viel oing, vne dragme de theriac que, si demye once de metridat, demye drag. de cantbarides, vn seizain de fiente de coulombe, le tout bien meslé parenssemble.

10. Voires mesmes ils conseil-
lent, comme ie fais aussy, sur
ladiçte bosche trop tardine,
d'appliquer vne bonne ven-
touse, pour y attirer le venin
arriere

arriere des parties nobles, &
mettre incontinent en la pence
vn vesicatoife.

ii. Ils font aussy vn bassement,
pour resouldre en partie, &
en partie pour attirer le venin
au dehors, quasi tel.

Prenés vne poignée de racines
de gumaulues, vne poignée d'oing-
non de lis, vne demye poignée de
fleurs de camomille, & de melilote,
vne demye once de semence de lin,
& enuyron demye poignée de rue,
tout hasché, pilé & meslé, sera
bouilly avec de la petite biere, pour
en basser la partie, avec des linges,
ou des sponges. Icy ou on ne
trouue gheres de gumaulues,
vous pourrés redoubler vne

ou deux fois, la semence de lin, pour la substituer en son lieu.

12. La bosche s'acheminant à meurizon, mettés dessus vne emplastre faicte de *diachylon* & de *basilicum* meslés. remettant par-dessus, encores l'vn des cataplasmes deuant dicts.

13. Si vous n'aués personne pour ouurir l'apostume. ouurés le encores estant à demy meure, par le moyen, que demanderés à l'apothicaire *un ruptoir ou cautere*, de la grosseur d'vn pois, que mettés sur le pendant de ladicte bosche, l'y faisant tenir vij. ou viij. heures, avec l'emplastre de *diachylon*. Ou bien, si vous auez
le

le cœur pour le porter, percez le avec vn petit fer chaud, ou avec quelque lancette.

14. Puis couurez l'escare qu'aura faict le cautere, avec vne tranche de lard, ou avec de l'oing, ou avec du beurre. continuant cela avec la susdicte emplastre par dessus, iusques à tant que l'escare sera tombée. Voire-mesmes s'il y a encores quelque dureté, vous mettrez par dessus ledict emplastre, encores le cataplasme susdict.

15. Iournallement, quand soir & matin, vous mettrez à poinct vostre mal, lauez toute la partie avec de la lessine tiède, ou avec de la petite bierre & du

tercey boullis par ensemble. . . fait
 faire porter tout l'apareil & tou-
 tes les immondices que retire-
 rez arriere, bien loing de vous,
 pour les enfouir tout incont-
 nent, ou les brusler en vn
 grand feu, arriere des gens
 ou au lieu de ce bassement,
 prenez cestuy, dont est fait
 mention en l'article vi. en p. 1
 16. Cela fait, usez de l'em-
 plastre simple de *diachylon*, quasi
 iusques à la fin, mettant dans
 le trou, des tentes mouillées
 en miel rosat. en p. 1
 17. En fin, usez de l'emplastre de
diapalma suffira, ou le *desiccatif*
gris. en p. 1
 18. Si les CHARBONS sia-
 mon-

monstrent, vous pourrez vser
des mesmes cataplasmes, mes-
mes emplastres, mesmes cau-
terès, qu'aux bosches ou bu-
bons; sinon qu'il faut caute-
rizer le charbon, des le com-
menchement, pour aussy tost
bailler issue à la pestilence: veu
que ce seroit souuent folie d'at-
tendre quelque meurison; de
tant, que coustumierement,
il ne se faict point; mais le char-
bon tombe comme vn mor-
ceau de chair.

19. Ce pendant, qu'au rez mis
dessus, ce qu'est dict, vous ap-
pliquerez aussy tout à l'entour
vne tarte, de surellée ou de scabiense
broyez, avec leur ius, pour

24 *Guarison de la Peste.*

contregarder les parties fain-
 nes. Il est fort bon, faire d'un
 commencement des profon-
 des cicades sur les charbons, &
 les biffer & lauer avec les baf-
 semens deuant dis, y mellant
 vn peu de sel. Au lieu de cauterer, es plus
 delicats, vous pourrez applic-
 quer au beau milieu du char-
 bon, vn vesicatoire, que fe-
 rez avec iiii. mouches cantharides,
 vn peu de leuain, & vn peu de vin-
 aigre, & faictes en vne masse,
 comme la grandeur d'un escu,
 pour appliquer en la maniere
 susdicte. Il y en a qui appliquent
 tant

tant sur le bubon que sur le charbon, vn ruptoir faict d'vn peu de chaux viue, vn grain de sel, vn peu de saumon, faisant de tout comme vne fauelotte, pour mettre au lieu des cauterres & vesicatoires prenommez.

23. Si le patient est trop impatient, pour souffrir les singuliers remedes icy contenus; pour le moins faictes luy vn cataplasme avec du miel, des moyeux d'œufs, du saffran, & de la fine fleur, ou meslez cecy avec l'vn des precedens.

24. Le charbon estant tombé; vous pourrez vser de ce dernier cataplasme, puis du diapalma.

26 *Guarison de la Peste.*

25. Les mesmes que dessus v-
sent sur les escars des char-
bons, de ce cataplasme, Pre-
nez iiij. onces de racines de guimant-
ues, iiij. onces d'oignons de lis,
demye once de semence de lin, cuissez
les parfaictement avec de la petite
biere, l'ayant passé par vn tamis,
meslez y enuyron deux onces de beu-
re, vne dragme de metridat, & au-
tant qu'il faut de farine d'orge.

26. Et pour attirer la veneno-
sité, & faire tomber le char-
bon, ou le meurir en partie,
faictes vn cataplasme en ceste
sorte. Prenez demye ouce d'oig-
nons de lis, autant d'oignons com-
muins, & autant de leuain sure, de
la moustardelle, de la fiente de cou-
20. I. 25 2 d lombe,

Guarison de la Peste. 27

lombe, & du saumon, de chascun vne
dragme, & demye douzaine de lima-
çons bien estampés avec leur cocquille,
demye dragme de sucre, de theriac
que & de metridat, faictes vn corps
de tout, avec encôres ij. ou iij.
moyeuks d'œufs, ou bien.

27. Prenez demye onces d'oignons
de lis, & demye once d'oignons com-
muns, vn peu de rue, iij. ou iij.
figues, haschez tout bien menu, &
broiez, & puis mestlez y demye once
de saumon, vne dragme de theriac
que, vne dragme de metridat, vn
sixain de gomme ammoniacque, vn
sixain de graisse d'oison, ou vn peu
plus. faictes en vn cataplasme, en
voila pour suffire. choisissés.

28. La maniere de viure, fera
com-

commune à celle de la preservation. si non, si la fiebure est grande, on se faut garder de vin, & boire souuent du maigre ou claire laiçt, du verjus, du ius & de l'eau de surelle, du ius de citron, de grenades ou d'auranges, le tout meslé avec de la petite bierre, ou avec de la tisane.

Ou faiçtes vn hyppocrat d'eau, avec vne once de canelle en pippe, & trois pintes d'eau, que ferez freindre iusques à rester peu plus de demy lot, couurant bien le pot: & avec ce, meslez quelques xx. gouttes d'huylle de vitriol.

29. Au demeurant, durant que vous estes atteint de la peste,

peste ; vsez souuent des Anti-
dotes, & des autres remedes
dis en la preservation. Voire-
mesmes vsez en plus curieuse-
ment. Changez souuent de
chambre. couchez tantost en
l'vne, tantost en l'autre ; fai-
sant bien aerier voz draps.
changez pareillement souuen-
tesfois de chemises belles &
nettes, bien eschauffées & bien
frottées. & combien que soyez
infecté, ne hantez point avec
les autres infectez, pourtant :
car ilz vous pourroient infe-
cter d'auantage de leur infe-
ction. faictes aussy bien ae-
rier & nettoyer la chambre
dont serez sorty, deuant y
r'entrer.

30 *Guarison de la Peste.*

r'entier. Prenez toujours cour-
rage, sans vous laisser acca-
bler de vov maux. car plu-
sieurs meurent, d'autant
qu'ilz s'attristent, & ne pren-
nent point la peine de s'ay-
der, se laissant emporter
par leurs maux iusques au
tombeau.

30. En la fin de la guerison,
ie conseille se purger vne fois,
avec vne douce medecine, sui-
uant l'aduis d'un docte mede-
cin; & de suer encores vne
bonne fois, suiuant l'article
quatriesme de ce chapitre. à
fin de ne laisser couuer rien
de reliqua, qui pourroit ef-
clore, vne nouvelle peste,
plus

plus pernicieuse que la premiere.

De laquelle il plaise au bon Dieu, par l'intercession de la Vierge **MARIE**, nous garantir, & guarir.



31
-org
-mire.
ROD
al
APPROBATION.

*Ce petit traicté se pourra fort
utilement imprimer, à la
consolation des affligez.
Fait ce 19. d'Aoust,
1617.*

BARTHOLEMY PETRI dict
LINTRENSIS, Docteur
& premier Professeur
en la S. Theologie.